

北

游

錄

北游錄 紀咏下

鹽官談遷孺木著

始泛

槐陰澄研自清流學注虫魚晚未休欲訪魚郎雞犬
會却隨仙客鳳麟游五雲紫氣迎征棹六月單衫笑
敝裘珍重溪邊數株樹將來誰共釣魚舟

色氏澹永齋對竹

驕陽翔不下深藉尔蒼筤清流書幌涼聽便石牀眉
端嘗積翠耳畔似調簧馮軾游燕趙于君未始忘

別色令孺

總角依々漸白頭征途一榻暫能留子長知有名興
與王粲云何故國愁吳下菰蘆漸獨往樽前難黍解
相酬金臺準擬明春望燕市荆高早共游

孝廉朱方菴俞君升餞朱太史舟中夜別

酒人接席唱驪歌冉冉斜陽照芰荷科跣飲追河朔
遠別離月倍蠟光多彈冠不解同王貢祖道惟當發
祝阿百里聚星占夜色吾今竊自笑烟蘿

嘉興早發

鳴笳晨旭壯郵符六月搏風出五湖鄭野愚夫嘗守
兔齋門狂客濫吹竽鑒垣古亦高肥遜糊口今應悔

宿道白茅江南推獨調
擢歌還似古詞無

余自白茅里登舟

羞羞

糟糠違中道千古蒙詬罵
賤妾何足論妾罪亦可貴
含羞欲自陳胃昧詘長夜
翁子負薪時四顧輕姻亞
綠波汲空流斗釜誰相假
飢腸日自支羸瘠憂刻下
失策貪餘生東隣積穢極
雖延旦夕喘慚魂終不化
非慕章綬榮亦知富貴乍
渠死長安市與妾同歎詫

驚脰湖張志和釣魚處

波光如黛染輕瀾
溽暑全消六月寒
帶展長隄紫十里
天圍清鏡露千灘
忘机鷗日翮
集罷釣魚多處

處措好覓綠簑三尺北行吟不復向江干

吳江道中

扁舟笠澤遠相同落日松陵面
風桑柘漸稀非浙右
蓴鱸未老自江東
十年人共忘癡叔
三日吾應媿阿蒙
翹首五湖無恙在
烟舸縹緲獨漁翁

錦帆涇

牙樯十丈憶當時
震澤春餘水滿池
夾道笙歌明月上
傾城翠鈿畫船遲
情耽國色深難盡
禍切隣江近在斯
一片錦帆收不去
甬東他日待誰移

膠東高相國舊隱吳門追感

漢相粉榆々海東隸來暫得伴梁鴻青衣入洛方蹶
黃閭還吳塗已窮握手臨門雙洒泪攢眉行道獨蓬
羊墨無限西州恨零落千株楊柳中

虎邱竹枝詞七首

吳中歌舞妬西施不道西施是越兒試看白公隄上
柳細腰一々向南枝

蓮葉深々西又東畫船流影落輕紅鴛鴦雖是相憐
惜不比雙々手繡中

雪藕中空裊弱絲朱唇未嚼漫尋思儂心宛轉母煩
繫好繫郎心反覆時

長隄芳草發陳根沾被吳王舊酒痕底事香泥啣燕
子春風一度一銷魂

朱魚沈守劍池邊有鳥時鳴松樹巔
卽似鳥飛吳苑外妾如魚只第三泉

踏青歲上白公隄邀月生公秋未迷
多少游人西子後紅顏端自讓紅梨

去時新柳可藏鴉腸斷征鞍又憶家
爲囑半塘柳垂絲遠々挽天涯

閨門懷古二首

蘇臺糜鹿幾成群不見吳宮高切雲
席上魚腸收劍

客江東熊膽到舟軍金閣明月篩花影木清寒濤織
漱文落日西山猶有意栖鳥一曲舊曾聞

清宵鼓角咽嚴城華髮愁侵忽數莖梅福市門餘舊
隱鴟夷血劍自初盟霸國寂々同流水游事忽々付
短檠麻可伯通知可貴不妨埋跡學躬耕

同朱太史虎邱二首

輕陰拂々度流光漸有隸鴉樹々忙鐘磬數聲人影
外山河一望夕陽旁蒼茫劍氣常如虎寂寞禪心不
下牀綠水芙蓉同幕客某祠短簿自王郎

暑汗科頭各行衫前人游此錦為帆松篁引路除先

導魚蟹隨樽合老饕身外青山添傲骨客中彩筆剖
新御隸槎未敢衝牛斗髣髴仙舟已隔凡

楓橋弔寒山寺

蓮社隸來晚弓刀雜鹿園戰餘腥草木劫盡悟風幡
漁火輸終夜龍函散普門十年瞻望地金像遠塵昏

慧山二首

慧山經積望俄得愜幽情晚涉衣皆綠清思骨易輕
雲深無俗革世亂卻浮生洗耳殊多事巢由不買名
人生幾輶屐且一試山南州未游其九泉非列在三
游梁司馬倦移檄草堂慚緬想文莊里柴門舊自甘

邵文莊二泉書
院在慧山寺側

萬歲樓

典午烟銷去不還層樓千古此江山
扶搖雙翼搏空出絡緯孤吟落照間
紫氣晴占金闕色青冥高望玉宸班
南徐勝槩今無異空挹龍沙萬里灣

北固山

鉄甕名城扼要衝江流縹緲似游龍
危巖獨拔三千丈精甲曾當十萬鋒
天塹至今橫銷鎗山靈何處採芙蓉
六朝誤作狼胥望北顧蕭々半夕烽

甘露寺

雨徑雙沾屐秋尋翠分林深西竺樹江斷北山雲鉄
塔前朝重金繩上界殷醍醐一滴露遠自赤烏間

多景樓

登樓攬勝盡南徐兩腋生風暑日餘吳會全收山水
盡楚江西寄洞庭書盤空鳥道雲中落入望鯨波檻
外舒多景莫嫌憔悴易祇今生事樂樵漁

凌雲亭

亭前尺咫地虎豹却當關氣欲吞吳蜀潮仍接海山
遙瞻橫匹練分據割連環那得凌雲去峰々共往還

狼石

英雄纔促膝吳蜀此中分
祕畧藏神鬼私衷競主君
連雞形未決關虎忌相聞
尺寸爭何益江流空暮雲

鳳凰池

荒烟漠漠銷空池鳳去池留又一時
王氣百年經御蹕于今芳草更多姿
高皇帝嘗幸池上

昭關

孤臣倉卒渡不藉百金裝柱國
仇難解要離死未償
全家遺痛極隻影寄愁長
汎汎江中水分流怨楚湘

戲東朱太史二首

一時顧曲漫停樽
誤道多情目語頻
桃葉風流非問

渡蓮花顏色鮮傾人江東玉樹陳家月灞上金莖漢
殿春聞說紫雲稱絕藝分司去後已沾巾

昨陳編修
飲朱太史

用伎樂

金焦對峙大江東一葦茫茫萬里空飲馬雖聞來代
北啼鳥終見集山中從游願執鞭相後叅學應留帶
可同旦日輕風乘舴艋肯容狂醉瞰龍宮

朱太史招吳丹陽同游金山

橫江鎖楚蜀天塹界中流拔地龍宮出登樓蜃氣收
風高喧健鶻天近偪牛玉帶蘇仙後游人幾个留

環金山城址云故職方楊文聰遺築

顏城千雄失嶠岫司馬金錢費萬緡一自北軍飛渡
日猶餘西塞脫逃身權臣未解高郇塢國士從無起
棘津滿目新亭徒涕泪江東王導又何人

韓斬王祠

太息經祠下胡為棄虎臣名酋驚墮馬廢將憤成神
落芷江邊草雲霞戰後塵同仇馳駟職虛闕出西秦

妙高臺

坡仙臺上舊曾游慧業文人第一流我佛于今了不
異誰家到此更相求才高亦借江山助志切常須朋
友酬教外遺風猶未泯叅禪水月悟前修

大峴山

登山兩腋覺身輕，汗浹征衫欲裸程。
畏旱私于游計便，尋僧似比俗緣清。
窮幽邃處皆箕顙，積歉年々更甲兵。
江上舊屯數萬騎，至今谷口罷春耕。

擬游鶴林招飲諸寺不果

嗜書亦嗜游，在在成飢渴。
白髮雖見嗤，自悔不能割。
累日驪京口，屢叩諸優鉢。
晉宋多勝流，每事必洒脫。
戴顓妙琴檜，子瞻來吳越。
杖履昔所經，岩壑若咄咄。
俛仰千載人，榮施及松栝。
生氣開山靈，白虹隱天末。
蒙茸枳我步，虎豹互蹲拔。
至今心思之，落紙字可活。

惟有葛陂龍共路愁相奪

避風館即玉山寺前

拍岸濤聲雜楚聲橫江一葦怒須平
歲舟大壑馮夷息問渡西陵伍負輕
寶筏慈航空法界素車白馬怨前生
臨涯自覺風波險况是滄桑有變更

來烟亭

蒼烟渺四顧似為大江開爽氣流朝采
濃嵐散劫灰王維神入畫庾信賦能哀
淨練裁如綺驚人謝朓來

渡江二首

蜚燕啟道指雲帆落日三山半欲啣
萬里岷峨奔似

馬三分吳魏氣如橈橈橈星金湯扼險終無北天
塹稱雄多自讒莫謂先鞭祖述易書生徒爾老青衫
長江駭浪東南坐歎孫陳二主慙擊楫漫期銷壘塊
投鞭竟欲罪沉酣中冷水遞思新汲海岳書狂別舊
庵未芾于京口作海岳卷往日魏燾臨北岫相傳微
味致黃柑

閱馮元成先生集渡江次韻

漁父江潭羨獨醒越人附載得揚舲兵餘草木空多
恨渡後魚龍不壓腥鉄笛梅花吹易白玉壺竹葉飲
能青輕帆亡恙秋風裏斗野駸揚州斗野亭宋熙寧指舊亭

二年立

瓜洲

百萬雲屯江上兵
佛狸當日駕長鯨
誰知一帶洲前水
建業依然是故京

廣陵七夕

寒潮縹緲接銀河
尊逢止棹歌野鵲何關今夕事
靈犀無奈去年何
情鍾帝子終宵切路感行人遠道
多明日七襄仍織錦
迴文連理好投梭

泊廣陵驛記甲申八月陪高相國迎慈鑒于此

追感

廣陵八月正觀濤追憶當年賜上醪
元祐為迎太后
孟朝廷特遣相臣高雲霓雖慰諸人望
草莽徒存隻
影逃魄殺魯連未蹈海旂亭貰酒首重搔

繁釐觀訪瓊花不存

滄桑世閱世來問舊瓊花故土誰家地
孤根他日芽
名嘗因玉女事豈類胡麻撩亂春風裏
隋園日易斜
宋節孝徐先生集云瓊花一曰玉女花

廣陵懷古

南朝舊事一蕪城故國飄零百感生
柳影天涯隨去
輦楊花江上落浮萍星分螢火來山谷
香散龍涎滿

騎營今日廣陵徵往事十年前亦號承平

天寧寺晉末梵僧跋陀羅譯華嚴經處

譯經開覺路萬古指羣迷像季從江左真傳自竺西
風霜深古樹龍象冠招提不悟無生理焉知出世梯

督師史相國墓

憂來有目瞑重泉白氣如虹斗牛邊德祐庭芝惟死
宋望諸樂毅不忘燕長城萬里何當壞文梓千株祇
自憐墓上尚虛翁仲石恐教遺恨到祈連

曾襄愍祠銑

萬馬奔蹄出賀蘭屬鏤先賜劍光寒西郊博得青
草不作萋弘血色看

蜀岡

南龍曲々暗生雲蜀地根源吳地分
偶聽山僧語舊事沿山曾駐北來軍

大明寺

吠犬先門外遙知客到稀
荒堦桐覆葉旱井蘚生衣
寺似前朝號山常故國圓空王能出世不但是禪機

平山堂歐陽永叔建今廢

平山堂上醉翁來又為滁陽景另開六一文章珍琬琰
淮南風氣勝蓬萊吾因喪亂思前哲世盡凋零惜

異才幾度離々春草色未將幽恨此中裁

迷樓遺址今觀音寺

靡蕪落照漫連空
明月徘徊憶故宮
眉黛易求千石綠
露桃難種萬年紅
龍舟豈有慈航度
瑩苑今曾寶炬空
好夢江都歸未得
楊花吹盡五更風

雷塘

吳公臺下全荒惆悵
鍊魂赴北邙
欲築西陵望歌舞
至今迷失幾鴛鴦
唐武德初
葬煬帝吳公臺下後又
改雷塘

二十四橋

斜陽古道接輪蹄
明月扶疎萬柳西
橋下行人橋下

水落花尚自怨香泥

大儀鄉韓世忠戰處

駒駘連甲淮南渡立刻飛埃迷曉霧胡兒慣戰不顧
身野掠四郊兼射兔延安虎將丈八矛大呼鏖戰矢
交流寶刀競飲單于血無數名首繫頸求斬王破虜
功如此北人震恐南人累不如棄置西湖傍騎潦倒
尋山莊

鎮遠侯顧成墓被發

百戰埋金甲魚燈滅墓門酬恩殉劍去委化朽骸存
豈有蘭亭蹟將無望帝魂漢家陵寢在玉匣不堪論

淨慧寺

陰、環柳色不謂即祇園雨滿大千界時微雨心空不

二門愚生慚慧業客路啟塵昏自歎貪癡重徒為謁
了元

出菴劍安上人追晤話舊

故人支遁好名山彈指天涯一瞬間野鶴孤雲嘗獨
往寒鴉枯木略追攀吾鄉東垞全無恙上人嘗寓佛許氏東垞

法南宗亦自艱拄杖何時飛錫到少容猛虎解金環

京口嘗陪陳編修實菴今郵詞五種寄謝

龍門世史滯周南彩筆生花夢乍酣滿苑鶯聲歌玉

樹新朝鳳沼謝金簪閒情賦待陶潛著豔曲人惟柳
七諳屈指西陵違教後流人憔悴似江潭

露筋女廟

孤貞根至性敢自涉嫌疑白鳥仇憐火清江矢路岐
生污不若死姓香未知誰女子垂千古吾顏已忸怩

邵伯埭謝安築

百里澄波漾遠空金隄天矯亘長虹清譚塵尾毋容
忽練事何人及謝公

高郵

淮南論要地屏蔽賴高郵土沃饒魚蟹年飢難鵠鳩

停舟煩夜柝，棄障斥譙樓。
借問王磐在，何如秦少游。
宋秦少游明王磐並高郵人善詞曲

覽社湖

荒蕪極望界長隄，湖上分帆波浪齊。
間有夜珠光似月，幾時為一照窮黎。
宋孫華老家于湖陰夜讀書覺
光屬天黃庭堅詩覽社湖中有明月
淮南草木借光輝

七月既望泊寶應月蝕

芙蓉露冷浸金波，烏鵲南飛夜若何。
掩鏡乍遮雲母障，汎珠空照蠅蚊河。
河在寶應縣東北六十里
論文月似真師友，作客秋尤可嘯歌。
雖爾蟾蜍輕妬我，虛公陰句亦成

魔

經高郵寶應諸湖放歌

淮南諸山俱積土雖有拳石不足數土德何如水德
羸馮夷据作神仙府天吳出沒百恠生燃犀頭欲掣
長鯨涇陽暴烈亦解怒但聞鼙鼓時宵鳴秋風獵獵
吹芳杜鷓鴣鷓鴣無朝暮風帆林接纖行舟楊柳天
邊斷津樹往日射蛟白帝子浮江萬乘嘗過此會稽
功德勒豐碑淮南警蹕遺前史後來阿廢江都游妖
姬錦纜挽龍舟千秋更我毅皇帝汜光雲氣濕龍裘
廟堂供豫幾簡冊吾曹潦倒領藪澤錦袍須借謫仙

才更向四明喚狂客

山陽道中思故友王相四首

伏膺差能給胡為愛遠游山川開宿抱吳粵隔深秋
道厄先塗劫身孤未涕流排灣才鬼恨莫遂訴塋篋
相游廣州道被劫失其詩文稿還卒鎮江之排灣之子年纔

過半百素不慕華巔台應新宮銘耕虛谷口田形散

委遠道組豆任遺篇待種楊花白知當傲謫仙相遺言墓

門植楊柳題詞客夜臺恒言嘗過激時言不堪聽氣似陵黃祖

心原放管寧彩毫高自許隅史刻相形相著隅史其詞錫刻有致

今失手闢詞場路能毋忌五丁相善詩詞又離曲吾生先一

飯辟易畏前茅對論爭堅白同盟慰漆膠青蔬頻下
榻白夢已還邨豈料壬辰夏丹旄失素交

沂流

懸絙北挽水南流時一停津怨石尤須似宮亭風送
客分帆各々順陽侯

芒蛇

秦郵白鳥大于郵繞帳霸々夢未曾多少生民難帖
席忍教肌血恣馮凌

雨阻

咫尺淮陰一望前蕭々風雨壓林烟孤踪千里漂零

甚不畏屠中惡少年

射陽湖

牙樯飛影度中流
日月雙雙鏡裡浮
水國魚龍三百里
白蘋紅蓼各爭秋

淮安

濁浪繞城流
清淮舊楚州
霸圖先扼要
腴壤或謀求
賞酒知蒿苦
編茅護柳稠
土人勤且朴
為爾問田疇

韓侯釣臺

試問垂綸地
韓侯豈賤貧
英雄如老朽
天地亦悲辛
才大甘枵腹
功高轉殺身
誰將城下水
水洗漢宮頻

漂母祠

嗟哉漂母去淮陰竟空土但有悍少年拔劍爭相侮
貧賤亦何常非真如罪罟男兒七尺軀見用卽爲虎
韓侯徃苦飢一竿竢亭午道旁諸人行去々不少覩
綠波橫浮萍豈足登我釜母老髮絲々驚歎拔倚伍
淮人數十萬僅可充自駕樞飯飽英雄勉旃母自苦
遺我千黃金封十萬戶望報非母心其行同商賈三
族報功臣烏江報項羽總爭尺寸間報々相踵武母
蓋悟王孫恩卽仇之府自母一片心終日嬰天斧我
來叩荒祠傷懷徒千古

放生池

淮河當鼎沸勝地各淒涼池上今栽柳舟前且避鰲
游魚潛自得飲馬意難忘斗水西江鮒云何編濊汪

陸丞相祠秀夫

二帝游魂不可攀沉寃魚腹滿崖山淮陰亦似祥興
日一道降旂出海灣

香茅行

吾邑許稚則先生守淮陽採其茅于家亭之
今嗅茅氣微香史記云江淮間三脊之茅豈
其類乎

淮人土室葺其壁編茅為瓦蒲為席杜陵有屋捲秋
風楚州城外暫朝夕茅乎茅乎非俗同東巡封禪高
雲中七十二君叙瑞應明堂上覆與天通後來產薄
不三脊巨靈失職土常瘠沮洳荏荏日以繁千里荒
蕪多廢宅遺茅春日競新萌拂々香雲無限情叢根
修葉年々發盡被西風作楚聲淮人蕭索計亦得甕
牖繩樞增氣色幷幪宇下感窮民雨々風々藉爾力

河上行

淮南城西俱苦屋偶一問之泪如沐男耕女織粗自
全曾為陶瓦幾掣膠彭々搥鼓經官舫飛輓微夫互

奔逐近年織造又蘇杭黃祇盤龍奏進速大兵南北
出淮安舟車驅徧家一哭郵符一紙驚入門牽衣泣
送各銷魂累人陶瓦全家破聊爾誅茅喘息存

驛卒行

鳩形鵠面充驛卒乞兒挽舡救死骨頽隄步一判窪
隆仰若登天恍若窟雨雪修塗足未停擬金伐鼓驟
雷霆津吏奔程常恐後動敲木槌逞威靈河邊高蓋
擁前馬傳呼聲震武安瓦天上相聞有使星官舫絡
繹來城下

旂鼓行

煌々開府建高牙羽騎雲屯列正衙霹靂先聞群縣
記星河長拱五侯家神驚鬼懼不敢入轅門小校頗
相習傳宣盡出旂鼓廳莞鑰相通寄呼吸前驅何人
不避馬晨昏駢踵伺堂下微聞使君面發嗔須臾刀
組難相假叩頭陳謝效區々十尺珊瑚徑寸珠百萬
黃金登計籍三千貂錦掌私厨嗟哉使君起家日廝
養得隸同趙卒徒步公卿致布衣從官旂鼓非常秩

尋西湖阻潦

茫茫菽麥渺灘尋入望烟波萬頃勻鷗鷺未私天地
濶魚龍不救國家貧行吟往亦思漁父問渡今非遇

丈人阮籍途窮須反駕秋來紅蓼負湖濱

或貽朱太史雙鶴漫賦

翩翾雙鶴欲凌霄羽客秋聲破寂寥
栖傍上林依玉樹來從東海笑僂僂州海
仙人騏驎方橫駕太史蓬瀛待入朝
我本霜姿游物外何時鶴背共逍遙

咏檣

檣成屹々指層雲青雀如馳共鄂君
曉度鷄聲穿落月斜分雁影迴橫汾
扶搖九萬斯下歛忽三千路已分銀
漢仙槎爭幾許支磯石畔攬秋雲

夢中作

往業傾頽盡艱難涕洟餘殘編催白髮猶事數行書

枚乘故里

平臺賓客倦游梁淮水湯々入故鄉詞賦西京容易
老一時父子漢家郎

表東皇至自白下云故京事代述

悲纏軹道見秦嬰烈焰咸陽未盡傾禹廟梅梁遺玉
盤帝宮柏寢保金莖雲賓自合猶三恪漢代誰能賦
兩京舊日玉華愁杜甫哀端蒼鼠亦多情

鍾山鹿蜀犬寄感二首

嘗游靈谷出松林百鹿麋々逐樹陰項下金牌經賜

久角中玉髓歷年深時因犯稼思茹血敢有彎弧起
獵心自是橋山功德杳野草不復有遺音 鍾山鹿

韓盧無害不信蜀野蕭條近楚秦吹日千山空際
午叢陰百々漫含辛逃亡錦里南隣少橫啜荒村東
郭頻物性非關今日異向來搖尾卧花茵 蜀犬

樓船行

樓船高泊西門外督府牙旂雙錦帶沸波笳鼓聲如
雷幕官內名額思齊烏桓有女顏如花夫婿同騎白
鼻騮屈綰盤龍不作髻纖雲裁蟒路相跨皇華立馬
堂之下二兒稚齒亦研雅頃刻揚帆御遠風南人使
船如使馬妾家生長鴨綠江不信江南有畫艘翠羽

明璫從毳帳樓船花影展紗窓

悼同舟義烏朱生

五更殘夢咽啼鵑
淮浦楓川路幾千山
鬼游魂同怨處
渭人買骨似投燕
濃濃薤葉侵晨落
柔榆薄暮烟太息
同舟數朝夕孤雲何處大江邊

淮人垣壁多緯蕭朴潔可愛

土俗安勤朴
淮人未即貧
茅茨差近古
板屋略如秦
纖薄紋秋水
牽葦障比隣
夜來流素月
猶作楚江濱

新建喻叔虞應益古歛吳德符充海鹽姚叔祥

士彝並嗜學追述壯歲不自力貌視青雲色藏刺妄
揣摩闖入污點墨輪菌婉軼材襟邀轉狂惑叔雲來
海昌傾蓋如舊識歷數諸先哲在日頗盡測勉旃進
雁行夸父思追昔致書報吳翁霜髯光可拭垂老意
殷上次立言德王李生不逢屠隆徐桂嘗並識寢尋
游嘉禾姚君性惻惻顏齡手一編朱墨互塗勒因思
諸君子藝苑所埏埴奔流賴後殿燭火延餘燄俛仰
三十年寥々失前翼弓球為世珍典型為世式天運
方屯遺耿々歧路側

聞金陵林茂之姑蘇徐元歎近狀

詞人遺百六渠幸保餘年杖適三吳編書聞二老全
詩成難入釜歲晚可逃禪日莫江東隔征塗意黯然

新城帥府行

新城秋野如藪澤磷泣孤嘯月正白餘黎落々自成
村對人愁說東平伯東平初來兵未多老熊當道据
淮河軍行火落搜環關競病才高勅勒歌既棄中原
守寸土冠軍先治東平府民居驅斥千餘家猙獰殆
過南山虎幾々巨闕開轅門萬馬交衢可並屯梓澤
築樓花艶々定昆穿沼水注々東平晨出聞嚴鼓登
堂指顧揮刀斧嗔目朝廷無一人上書跋扈凌台輔

督師史公掣其肘總憲劉君宗周請斬首連銜各鎮
挾強兵文武大權俱入手金陵帝業未偏安內相秦
檜外高歡要津趁之日不足銓樞片紙立加官積金
郿塢高于斗要徵歌舞環桃柳西江明月缺盈復十
萬笳鼓先出走去時帥府奈若何綺疏珠戶燕成窠
淮安輕擲全腰領麾下塙陰長薜蘿

楚元王廟

經涂瞻廟貌猶似漢棠陰醴設穆生酒茅分高祖心
遺風思帶礪舊澤感蹄涔淦陵關長安地飛埃不可尋

淮安晚發

天圓青靄導輕舟柳色空濛映濁流
落照錦雲加日出新秋玉露似春浮
野田戰馬餘屯牧古戍啼烏半廢邱
極目中原爭險要長城淮上不勝愁

八月朔曉望

白露橫空混太虛漁翁三四亦舟居
商人香楮祈河伯那問空囊僅敝書

水心亭縱步

清江徑轉殆十家籬落艸瓜豈作花
市斗新紅云早米飯成一一煮流霞

清江浦

穀館東南占上游居人范蠡解持籌平生不合尋陳
紙陽翟臨舊富可求

平江侯陳恭襄祠

瑄

江淮漕運力其事賴恭襄綠字書元使黃頭歌櫓郎
何人敢折柳無歲不思棠鄭白渠今在區々未足方

甘羅城

楚地存秦相遺城自昔空少年名似祖

羅甘茂孫

古道貫

長虹淮水南來薄玉關西望雄當時版築地何必盡

英童

南陵縣北七里甘羅城梵壁甚工繪以潭水中可容數十人

清口金龍神廟

金龍山下恨龍潛水府沉々殆百年羅殺狂奔伍員
馬呂梁終效祖生鞭神鴛晚噪飛帆外瑞鴨群焚寶
楮前布褐微誠未敢達宋家德祐代相憐

渡淮

萬櫂千檣刻未停分帆南北各推櫂微漕擬續河渠
志弔古嘗聞嶽瀆經桐柏有山來自遠草茅無地獨
為醒踰淮和橘形相變白髮何時又轉青

清河縣

河濱繁興汲即此問絃歌同泊少鄰舫斜陽減怒波
征夫徭頻累使客驛常多疲邑天為閔年々稔麥禾

野泊觀射

頻江開小陣，旅進試彎弧。
楊葉前林薄，桑陰落日徂。
輕弓驚宿鳥，枉矢咲飛烏。
咕嗒隸何用，毋羞金僕姑。

曉舟行

秋氣澄々露欲白，飛出扶桑推金魄。
涼生枕簟鷄再鳴，曲岫沿洄逐沙磧。
須臾薄露漸彌空，前村之樹轉濛々。
清景求摹々，不得呼吸直與天相通。
古人夜游嘗秉燭，月光黯澹凝沉綠。
曉來艤首灌靈根，每旦空明看不足。

桃源縣

遙隄草似髮百步一孤城
鮭菜涯相市荏苒地未耕
唐風安蟋蟀淮水富鴝鵒
南楚桃源外于今不異名

白洋河

滔天鼓浪白洋河藉幸陽侯一瞬過
舊戍餘皇屯漢將但聞解甲請通和

野泊見鴈

野田漠漠亘平蕪流水無情不代租
征鴈數行同作客爾南我北各心孤

宿遷縣

譙樓舟上望迢遞抱黃河驛舫時聞鼓
蒨簷各覆蘿

雞魚欣市溢菽麥幸田多
淮北稱饒沃將來寄釣蓑

項王廟

下相生故里髣髴目重瞳
報憤六王後狗身一劍中
雄風山易拔大澤路方窮
轉恨烏江日睢陽失沛公

董家溝阻風雨

于役資游覽羈遘不自由
蒹葭沿岫洶風雨逐程留
尺寸希前進荏苒煩近憂
眠鷗最相狎讓尔得安流

霽

雲罨漸解駸緩棹亦舒顏
鴉背啣初照魚腮渾淺灣
兩涯逢水怒雙漿任風頑
岫岵靡蕪色能增旅思閒

路馬湖

平乘膏四望，崔葦占湖光。
避險渠新改，通漕利未忘。
鴻陂鎖衆怨，龍首樹堅防。
堪歎朱工部，游魂尚渺茫。

崇禎初，總河朱光祚謀開後，獄死。

董家溝以上荻花數十里，倚靡可愛。

步障王家盡紫絲，何如秋水自多姿。
輕綿裊裊乘風舞，積素離離帶月移。
弄影客中工作態，含情路側解相思。
非煙非霧誰能畫，漫想黃荃下筆時。

望邳州諸山

青山前入望，眉宇瑣澄鮮。
少見心為長，驅路稍偏孤。

峰融傲骨遠水急飛仙若入邳水道茫鞋不厭穿

南州引

淮北有舴艋如吳製云東昌魚山

河中皆然漫附之

五湖少伯舟偏捷百里飛橈隨曲折釣艇玄真一葉
輕秋水但知深且潔吾生海上苦塵埃安得乘桴獨
往來瓜皮舡子拍浮滿勝彼徐福求蓬萊北人南舟
今日見東昌漁父亦不賤將來會訪武陵源空舡落
却桃花去

淮北雜咏八首

俱傳淮北路自昔起雄圖是處堪屯牧無人不到隅

風霜勞易習，菽麥薄相須。用武思前代，誠哉異我吳。
四壁多苦土，飢寒易切身。年嘗罹水旱，氣不望金銀。
餽餼充朝脯，楊枝代積薪。前犂黃犢健，庶可望河濱。
長隄屢阻滌，白鷺鮮親人。猗曲穿帆影，平蕪斷樹春。
燕輕茅屋陋，魚活壑民頻。十里環前後，逃亡隻此身。
波臣何失職，時爾逞奔濤。十室虛稱邑，三河枉自豪。
如淮猶頌酒，非楚莫言騷。累夕沙洲泊，傳杯佐蟹螯。
望中豐沛遠，真氣噓成虹。販繒吹簫去，攀鱗附翼空。
帝王固不偶，山水至今同。游子增懷抱，當年咏大風。
壘岼山相似，遙々百丈懸。水衡蘆課重，村市酒帘捐。

土竈吹藜藿柴門應索饋觀之幾淚下鄭俠未圖傳
河神昭響應默鎖支祈白馬沉朝命瓊弁靳楚師
靈巫屢著禱緯史亦多奇欲述河渠志東南罄土脂
徐淮幹南北在古雜夷戎俗漸春秋革人為秦漢雄
舟車通汴泗根本繫岐豐言念斯民力應恤專大東

八月十四夜月

牙樯錦纜月中行宛似三山泛大瀛涼浸桂輪虧片
影光流竹箭滿初更吳剛玉斧移靈兔李白天宮壓
彩鯨蘋末雄然天地濶劃然長嘯有餘情

中秋臺莊對月

風帆頃刻入東齊林影蕭疎烏已棲景切玉壺方待
兔木飄金粟亦名犀白榆歷々明天上錦鯉雙々慙
濟西屈卬杯對夜月去年海曲月全迷

昔年中秋月食

嶧縣道中

嶧山供遠畫翠色早飛來市羨人々赴濤奔岫々回
魯風想未替越客意相推誰托孤桐質焚餘更異材

赤山湖

巨浸流天末居然一盂諸山螺波面赤水鏡月中舒
漁父非知己津人或啟予秋光凌萬頃隱映落芙蓉

夏鎮朱尚書祠

衡

輸輓新渠僅五朝百年蘋藻漸蕭條
玄圭待錫平成日夏鎮依稀夏禹遥

獨山湖蓮葉萬頃口占

紅粧秋老洗鉛華一望清陰似若耶
香影游全未覺輕風吹浪日初斜

平沙落鴈

朔鴈紛紛下江河秋夕深影翻沙渚
月夢寄玉關心漢苑虛傳札衡湘杳暮陰
白蘋紅蓼色爾亦愛秋尋

夜過南陽鎮

傾來曾酒入華胥漫過南陽一夢餘
孟氏諄々規戰

勝游程却記幼年書

魯橋開故魯邸賜莊

先朝蒙賜履湯沐歲徵租蜀主誰扶漢哀公竟避邾
原田無宿草津館有棲烏霄敏何勞問粉榆一望枯

仲家淺

向來自米地葉々衍雲初爾魯嘗從禱我吳今過滕
冠綿日月桑梓守嘗蒸始信先賢力斯文終可憑

舟望

天日俱清曠波光極渺茫孤根同鷺白柳末異鵝黃
水德浮于土秋心薄似霜卽枚雖賦客吾意亦游梁

李太白酒樓

突兀雲端舊酒樓
謫仙未脫驕驕裘
主人大勝臨邛令
客子何煩萬戶侯
明月翰林來采石
春風從事得青州
邇來雖有王孫掉
那解平原十日留

古南池

濟水抱城隅
南池古不殊
任城地自勝
杜甫調彌孤
二雅遺騷選
五文通泗洙
魏非蠻府客
戲欲咏姬媼

白楊

江南無白楊
楊葉大如柳
擁腫易欹斜
壺液常八九
淮北清且陰
秀特自不偶
其幹類井桐
氷膚桐未有

道問得其詳古詞見稱久
密葉吼天風翠色射窓牖
大可蔽連牛小亦踰于斗
相對怡神情榜櫟母或狂
隸來讀爾雅精思庸釋手

南旺湖汶上

紫流餘百里鷗鷺聚為家
水淺菱多米隈圓荻盡花
汶流阻鸛鵲秋色報寒鴉
宛在中央者同誰理釣槎

宋康惠公祠禮

思公秉槌日未必出玄符
力為拯昏墊神嘗寄舳艫
祖龍沈璧幻白馬祭河殊
一代功誰並憂深大禹謨

東平道中二首

斜陽野水散蓋花感物增人鬢漸華江北江南非異
地客中遠不及隸鴉

愁看華髮此身孤燕筑遙尋舊酒徒千里蒼然色外
盛宗了了入虛無

野次夢山陰劉念臺先生講博學審問節兼示

季子挂劍草

先生騎箕去吳越生平學問冀垂暮門牆虛舊盟書
藏禹穴秘道啟孔林宏後死如堪策何當負短檠

過安山開舟人望梁山嘖々宋江事有感

么麼狐鼠浪相傳齊俗椎埋污簡編漢室梁王游輦

後難將盜跖累當年

張秋 弘治中劉大夏治河成賜名安平鎮

夾城行馬半蕭條黃鶴猶聞舊日謠
烽燧四郊銷斥堠舟車萬里會雲霄
南來水自漳汶合東去山從岱嶽遙
憶昔忠宣底績易玄夷神冊又前朝

挂劍臺

上有挂劍枝下有挂劍草青萍三尺香茫茫問君地
下今難保吁嗟公子一片心徒付征塵迷古道歐冶
寶劍苦無多英々白虎据山河赤堇山下雖精鉄終
是交情遠不磨

卽事四首

左掖文昌右將星
雄麾指日掃南溟
長城萬里真堪
寄舊鎮松山入望青

景畧江東孰比卿
瀟湘平仲亦虛名
天生豪傑須今
日白鴈紛々下楚荆

央々丹旆指江沱
千里通津三月多
甘苦最能同部
曲調羹滿戴相公醪

燕齊梨棗十年贏
採賣民間價亦平
商販敢將蕭索
怨晉家草木慣爲兵

九月初聊城道中

素陰纂々柳青々
樹下流波失地形
嘗笑仲連思蹈

海望洋處々若滄溟

聊城朱相國文 墓延禧

松楸鬱々帶長河往日舟人感慨多
翁仲石前非故土子規枝上尚脩柯
寢邱楚相情何薄石柳滕公歲未磨
若起九原求不朽黃扉黯黯淡色如何

微子城

宗臣去國果何心東郡遺城枉至今
白馬幾人歌廟祀天潢無數竟消沉

聊城東門魯仲連射書處

先生天下士一矢下堅城即墨何人在毋為移此情

望嶽樓

岱宗青在望萬雉拔雲端趙魏交西鄙汶漳會北澗
斗杓星易摘山水日相盤氣象殊超忽應須駕紫鸞

舟經朱相國南北園

玉燭餘閒事兩園濟陰流水日潺湲沙隄不待平章
老金谷誰同衛尉存事隔崕州思醒石酒容河上挹
崑崙鄼侯垣屋非難治先恐風塵到相門

臨清

清源舊全盛鼓瑟更吹竽奇貨多陽翟名倡兢小蘇
驚塵移耳目曠土掩頭顱三匝依秋樹時聞城上烏

縱步

輕塵十里軟芳隄粉氣芙蓉吹作泥坡岼似山小有
致帆檣如馬未全迷客遲燕趙身將北日薄桑榆河
亦西拭目詞七追往昔謝榛七子也同携茂榛家臨清

清源老人行

清源老人為廟祝往日城居守華屋先子明經對大
廷羹魚飯稻欺饘粥崇禎壬午逼仲冬闔城流血膺
屠僇妻孥頃刻判存亡或作流俘或鬼錄魂飛骨肉
不求生今向萊祠寄甕獨鄭老旁聽淚潛滋自言藩

省承案牘乙卯元正陷濟南滿門剝盡無遺育餘生
扶幼到清源清源仍破轉傷目五男五女僅一存曾
訪燕京惟痛哭吁嗟二老偶路歧坐對愁雲歎沉陸

登永壽寺塔

浮屠拔地百餘尺猶未凌身最上層東瞰全齊西瞰
趙平分鴈影映禪燈

九日發臨清

停橈數夕倦津梁九日西風鴈數行舟代藍舉堪載
酒籬逢黃菊即尋芳少陵不減崔家興司馬能容幕
府狂寂寞敝裘寒色動芙蓉江上似為裳

朱太史輟軻先別

清源分棹急，夜色早吹簫。
同輩參槐棘，鉅生魏管蠡。
五雲遙北望，千里共南携。
計日容相晤，知先下紫泥。

感古

千金無賦動長門，秋雨梧桐清淚痕。
明月漢宮處，別銀牀紅樹最銷魂。

新秋落葉滿金溝，覆水無情欲更流。
傳語外人都不信，寒霜先上鳳凰樓。

鞠衣新樣奉中宮，獵邊關萬里同舊賜。
玉鞭手未冷也教棄置，怒秋風。

縷金百寶象牙牀錦幄流蘇雙鳳凰昨夜夢回孤枕
月不知椒殿尚餘香

長秋隨例賀生辰班列昭陽第幾人玉面暗慚幾下
泪衆前無奈強含顰

何時玉輦復經過門外莓苔長綠蘿滴盡泪痕添夜
漏還當鵲駕渡銀河

武城武城平原君舊邑非子游也以名同

下邑彫殘甚絃歌誤昔聞窮黎思衽席長吏輒紛紜
文學今非急催科古亦云檣燈試遠望天上一星分

甲馬營

村々超市集刻目湊輪蹄近岍翠黃犢深林啼午鷄
纜牽天漢遠帶綰衛河迷風景方搖落踈楊色未齊

故城

柳絲摧欲折雨意又成絲河接滹沱近天移羈客遲
踈雲透片日古道臥殘碑欲攬川原秀衝泥畏雨師

德州

穀綰稱津要雄繁又廣川剪桐分賜履輓陸兢輸邊
日未長安遠人先董子賢春秋習史異大水或堯年

聞膠州警念故相國高氏

寢邱將不保搶攘欲何之累卵難為守殃魚且及池

蒼頭軍突起丞相客安施每切諸孫計空懷下榻時

安陵鎮老僧云本內臣監營不告姓

左璫衣紫出中涓持鉢披緇已六年環衛千牛營十
二渡河隻象界三千洛中召敵多張讓海上逢僧即
大顛欲問姓名偏不答蒲團清晝炷爐烟

棘夢

枕上空歸夢裏家三千里外一時賒東籬不負陶潛
約又放紫桑三五花

滄洲弔劉總督燾墓

跼蹐侗儻自雄才薊北牙旂三輔來飲器熱傾桐馬

酒螯孤高築放鷹臺生平俠氣酬力禦當代素條薄
鼎台三尺石人翁仲老那知沙漠銷莓苔

滄州

觸景堪流涕風煙感棣州繁絲解渤海寸管媿涓流
作客孤能逸加年老未偷饒君萬斛酒不解少陵愁

青縣

葑屋炊烟少傷心客裡過河魚方大上猛虎不堪苛
天地誠窮狗民生足蟹螺道旁柳且盡欲折意如何
滄州間多貴人墓毀甚

貴人在日掀風雷片言立可燃死灰五侯七貴枉車

騎上書屢荷重腫回一朝不諱犯霜露黃腸題湊兢
相賻尚方起塚象祁連衣冠祖送盈前路盤螭琢石
購名銜七尺豐碑侈具瞻功德盛稱文武備且云取
與伯夷康松耶柏耶吼北風子孫豪習忘乃公絲鞭
日馭紫叱撥朱門漸見雕牆空况今舉目異江河墓
棘蕭條尋斧柯石獸傾斜雙足斷龍文雨洗篆難磨
行人過之長太息枯骨冥然無氣色烏鳶螻蟻兩誰
爭首陽餓死甘道側

午晴

客愁因雨倍際午豁晴眸鴉背收林濕羊腸兢路秋

楚人嘗善怨風伯又何求願遂陽烏色桑榆或可酬

天津衛

滹沱滄海綰車航萬里臨流倍慨慷開府已除節度
使轉漕仍繫度支郎餘饒地始開鹽筴舊隱時聞理
釣牀管仲太公俱寂寞悲歌野泊吊蒼茫

阻風

飛廉如怒阻嚴程留滯津頭薄有情海運扶搖南更北
河流蟠屈濁難清一燈孤影我為我九陌華輪卿自卿
欲慕牆東求避世漫目彈鋏付浮萍

發天津

左輔如沉陸長隄限斷虹
民幾魚鱉盡賦或蠅絲同
暖似吹鄒律飢多摘野松
江南芳訊杳徒爾望征鴻

楊村

晴鴉分色到雉榜即楊村
敝絮添藍縷醇醪憶瓦盆
非同歧路泣零就世情論
白首人間世長風滿荊門

丁字沽望西山雪

西山雪在望釀作九秋寒
下里思同調孤舟強自寬
花飛天外落頭白鏡中看
無限長安色胡為望露盤

試晴

超時亦絳幘於古似垂纓帝魏元經久游吳季子輕
嘗思猶髮事卻感溺冠情卓帽尋常物終身不自明

白河阻雪

白河沙似雪再雪不知繁歷亂迷津樹參差濕釣竿
落梅江笛怨高唱郢人寒未逐梁園客惟歌行路難

曉行雪徑

灞橋詩思欲生狂剖闢乾坤破渺茫似向鹿門尋舊
隱株、衰柳盡琳琅

策蹇

衝寒依杖切策蹇又何如冰徑憂弛勒綈袍苦棄襦
祖生鞭竟著鄭縈旬全踈莫自悲羈肉華陰曾墮驢

鄆縣弔岳文肅正

季方秉大節靈氣閼鄉關鼎鑪官仍薄邱園身自閒
孤城依北斗直道截南山雖屬滄海異千秋要可攀

宿通州胡氏

錢塘來寄跡長揖問鄉人燈下情偏熱塗中事轉辛
風塵難短褐編紵易輪畧叙年來事真堪涕淚頻

皇木殿

先朝富物力連筏下江淮楚蜀來雲棟唐虞崇土階
故嘗儲將作遂爾委天涯去々母延佇奇材却易埋

英王墓

長安城南天尺五
：碧瓦開堂斧朱門
複殿異人
入閭夜臺不醒重泉苦
北風烈烈吹黃沙
新松植地
未搓牙
四郊曠莽無人住
羽獵驟來時
夜譁當年英
王窮海北
連營萬馬各
五色混同春
漲冰漸流
瀋陽
月落弓稍黑
仰天南向漢
中華限山
隔海飛不
得西
湖桂子但清秋
漢家宮闕從何識
嗟我青衣會有時
嗟哉長城不自支
花門一望種
苜蓿南苑今為飲
馬
池英王敢戰氣如虎
胡牀解甲羅歌舞
郎第斜連支
鵲旁妖鬟盡隸仙
韶部急管繁絃
春復春
曰周曰召
漫情親
倏焉日匿
西山下
高塚祁連宿
草新闢廬寂

冥狗劍鏑桓山石
榔三泉涸燕昭墓
上穿老狐幾度
酸風歎蕭索